

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ  
 ՀԱՍՏԱՏՎԱԾ Է  
 Հիմնադրամի հոգաբարձուների  
 խորհրդի 25-06-2025 թ. որոշմամբ  
 «ԱՊԱԳԱ ՀԱՅԿԱԿԱՆԸ ԶԱՐԳԱՑՄԱՆ ՀԻՄՆԱԴՐԱՄ»  
 Հ Ա Շ Վ Ե Տ Վ ՈՒ Թ Յ ՈՒ Ն  
 հիմնադրամի 2024 թ. գործունեության մասին**

<b>1. Հիմնադրամի՝</b>		
1.1 Լրիվ անվանումը	ԱՊԱԳԱ ՀԱՅԿԱԿԱՆԸ ԶԱՐԳԱՑՄԱՆ ՀԻՄՆԱԴՐԱՄ	
1.2 Գտնվելու վայրը	ԵՐԵՎԱՆ ԱՐԱԲԿԻՐ ԱՐԱԲԿԻՐ ԹԱՂԱՄԱՍ ՀԱԿՈՒ ՀԱԿՈՒԹՅԱՆ ՓՈՂ. 3	
1.3 Պետական գրանցման համարը	222.160.1219204	
1.4 Պետական գրանցման տարին, ամիսը, ամսաթիվը	2022-02-21	
1.5 ՀՎՀՀ-ն	08213595	
1.6 Հեռախոսը (այդ թվում՝ բջջային)	+(374)77701466	
1.7 Պաշտոնական ինտերնետային կայքը	<a href="https://futurearmenian.com/hy/">https://futurearmenian.com/hy/</a>	
1.8 Էլեկտրոնային փոստը	o.davtyan@philin.am	
<b>2. Հիմնադրի անուն, ազգանուն կամ անվանում՝</b>		
<b>3. Հոգաբարձուների խորհրդի անդամների անուն, ազգանուն՝</b>		
<b>4. Կառավարչի անուն, ազգանուն՝</b>		
Դավիթ Թադևոսյան		
5. Աշխատակազմում ընդգրկված անձանց քանակը	5	
6. Անձեռնմխելի կապիտալի չափը		
7. Անձեռնմխելի կապիտալի կառավարումից ստացված եկամուտ		
<b>8. Ֆինանսավորման աղբյուրները՝</b>		
8.1 Ֆինանսավորումն ըստ խմբերի	8.2 Ստացված ֆինանսական միջոցների նպատակը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
	"Ապագա Հայկական" նախաձեռնության կազմակերպում	178,471,276
8.1.3 Ֆիզիկական անձանցից դրամական մուտքեր		
	"Ապագա Հայկական" նախաձեռնության կազմակերպում	20,004,140
<b>9. Հիմնադրի ներդրումը՝</b>		
9.1 Դրամական միջոցներ		

9.2 Գույք	9.2.1 Տեսակը	9.2.2 Արժեքը
<b>10. Նվիրատվություններ/ նվիրաբերություններ</b>		
10.1 Նվիրատուները/նվիրաբերողներն ըստ խմբերի՝	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
10.1.3 Ֆիզիկական անձինք		
<b>11. Իրականացված ծրագրերը՝</b>		
11.1 Ծրագրի անվանումը	11.2 Ծախսված գումարը	
"Ապագա Հայկական" նախաձեռնության կազմակերպում	192,261,368	
12. Ֆինանսական տարում օգտագործված միջոցների ընդհանուր չափը	192,261,368	
13. Կանոնադրական նպատակների իրականացմանն ուղղված ծախսերի չափը	192,261,368	

**Նշումներ՝**

Ֆինանսական հաշվետվություններն ու ֆինանսական հաշվետվությունների վերաբերյալ աուդիտն իրականացնող անձի (աուդիտորի) եզրակացությունը՝ 20 էջերից:  
էջերի քանակը

Հիմնադրամի տնօրեն \_\_\_\_\_  
ստորագրությունը, անունը, ազգանունը

Գլխավոր հաշվապահ \_\_\_\_\_  
ստորագրությունը, անունը, ազգանունը

**Ֆինանսական հաշվետվություններ և  
Անկախ աուդիտորի եզրակացություն**

**«Ապագա Հայկականը» զարգացման  
հիմնադրամ**

31 դեկտեմբերի 2024թ.

# Բովանդակություն

Անկախ աուդիտորի եզրակացություն	3
Գործունեության մասին հաշվետվություն	6
Ֆինանսական վիճակի մասին հաշվետվություն	7
Զուտ ակտիվներում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

# Անկախ աուդիտորի եզրակացություն

**Grant Thornton CJSC**  
Yerevan Plaza Business Center  
9 Grigor Lusavorich Street  
Yerevan 0015  
Republic of Armenia

T +374 10 50 09 64/61

Գրանթ Թորնթոն ՓԲԸ  
Երևան Պլազա բիզնես  
կենտրոն  
ՀՀ, ք. Երևան 0015  
Գրիգոր Լուսավորչի 9

Հեռ.՝ +374 10 50 09 64/61

«Ապագա Հայկականը» զարգացման հիմնադրամի հոգաբարձուների խորհրդին

## Կարծիք

Մենք աուդիտի ենք ենթարկել «Ապագա Հայկականը» զարգացման հիմնադրամի (Հիմնադրամ) ֆինանսական հաշվետվությունները, որոնք ներառում են 2024թ. դեկտեմբերի 31-ի դրությամբ ֆինանսական վիճակի մասին հաշվետվությունը, ինչպես նաև այդ ամսաթվին ավարտված տարվա գործունեության մասին հաշվետվությունը, զուտ ակտիվներում փոփոխությունների մասին հաշվետվությունը և դրամական միջոցների հոսքերի մասին հաշվետվությունը, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման էական քաղաքականության ամփոփ նկարագիրը:

Մեր կարծիքով՝ կից ֆինանսական հաշվետվությունները տալիս են Հիմնադրամի՝ 2024թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

## Կարծիքի հիմք

Մենք աուդիտն անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի կանոնագրքի» (ՀԷՄՍԽ կանոնագրք) և էթիկայի համապատասխան պահանջների, որոնք կիրառելի են ֆինանսական հաշվետվությունների մեր աուդիտի նկատմամբ Հայաստանի Հանրապետությունում, և կատարել ենք էթիկայի գծով մեր այլ պարտականությունները՝ նշված պահանջների և ՀԷՄՍԽ կանոնագրքի համաձայն: Համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

## Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի՝ անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման

անընդհատության հիմունքը կիրառելու համար, եթե ղեկավարությունը չունի Հիմնադրամը լուծարելու կամ Հիմնադրամի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Հիմնադրամի ֆինանսական հաշվետվողականության գործընթացի վերահսկման համար:

### Աուդիտորի պատասխանատվությունը ֆինանսական հաշվետվությունների աուդիտի համար


Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազմեն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:


ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության պատճառով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության չարաշահում:
- Ձեռք ենք բերում պատկերացում աուդիտին վերաբերող ներքին հսկողության մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որը կարող է նշանակալի կասկած հարուցել Հիմնադրամի անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ իրավիճակները կարող են ստիպել Հիմնադրամին դադարեցնել անընդհատության հիմունքի կիրառումը:

- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ ներքին հսկողությանը վերաբերող նշանակալի թերությունների մասին:

  
Արմեն Հովհաննիսյան  
«Գրանթ Թորնթոն» ՓԲԸ-ի տնօրեն

  
Էմիլ Վասիլյան, FCCA  
Առաջադրանքի ղեկավար

6 հունիսի 2025թ.



# Գործունեության մասին հաշվետվություն

Հազար ՀՀ դրամ	Ծանոթ.	2024թ.	2023թ.
Նվիրատվություններից եկամուտ	5	175,615	382,182
Այլ եկամուտ		5	24
Փոխհատուցումներ աշխատակիցներին		(120,608)	(169,670)
Շուկայավարման, վերապատրաստման և միջոցառումների կազմակերպման ծախսեր		(9,943)	(107,663)
Գործուղման և ներկայացուցչական ծախսեր		(3,707)	(35,084)
Վարձակալական ծախսեր		(14,805)	(28,457)
Գրասենյակային և կոմունալ ծախսեր		(21,402)	(25,231)
Տրամադրված նվիրատվություններ		-	(9,655)
Մաշվածություն և ամորտիզացիա		(2,223)	(1,600)
Բանկային և ապահովագրական ծախսեր		(880)	(1,307)
Այլ ծախսեր		(2,039)	(3,539)
Արտարժույթի փոխարժեքային տարբերությունից օգուտ (վնաս)		1,277	(1,988)
<b>Տարվա արդյունք</b>		<b>1,290</b>	<b>(1,988)</b>

Գործունեության մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 19-րդ էջերում ներկայացված կից ծանոթագրությունների հետ մեկտեղ:

# Ֆինանսական վիճակի մասին հաշվետվություն

Հազար ՀՀ դրամ

	Ծանոթ.	31 դեկտեմբերի 2024թ.	31 դեկտեմբերի 2023թ.
<b>Ակտիվներ</b>			
<b>Ոչ ընթացիկ ակտիվներ</b>			
Ոչ նյութական ակտիվներ		2,528	471
Հիմնական միջոցներ		3,307	3,638
<b>Ընդամենը ոչ ընթացիկ ակտիվներ</b>		<b>5,835</b>	<b>4,109</b>
<b>Ընթացիկ ակտիվներ</b>			
Դեբիտորական պարտքեր		590	661
Պաշարներ		380	380
Դրամական միջոցներ և դրանց համարժեքներ	7	81,850	64,027
<b>Ընդամենը ընթացիկ ակտիվներ</b>		<b>82,820</b>	<b>65,068</b>
<b>Ընդամենը ակտիվներ</b>		<b>88,655</b>	<b>69,177</b>
<b>Ջուր ակտիվներ և պարտավորություններ</b>			
<b>Ջուր ակտիվներ</b>			
Կուտակված արդյունք		(7,161)	(8,451)
<b>Ընդամենը զուտ ակտիվներ</b>		<b>(7,161)</b>	<b>(8,451)</b>
<b>Ոչ ընթացիկ պարտավորություններ</b>			
Ակտիվներին վերաբերող շնորհներ		5,834	4,109
<b>Ընդամենը ոչ ընթացիկ պարտավորություններ</b>		<b>5,834</b>	<b>4,109</b>
<b>Ընթացիկ պարտավորություններ</b>			
Կրեդիտորական պարտքեր	8	9,932	16,137
Եկամտին վերաբերող շնորհներ	9	80,050	57,382
<b>Ընդամենը ընթացիկ պարտավորություններ</b>		<b>89,982</b>	<b>73,519</b>
<b>Ընդամենը զուտ ակտիվներ և պարտավորություններ</b>		<b>88,655</b>	<b>69,177</b>

Ֆինանսական հաշվետվությունները հաստատվել են 2025թ. հունիսի 6-ին՝

Դավիթ Թադևոսյան

Օվսաննա Դավթյան

Գործադիր տնօրեն

Հաշվապահական ընկերության ներկայացուցիչ

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 19-րդ էջերում ներկայացված կից ծանոթագրությունների հետ մեկտեղ:

# Ֆինանսական վիճակի մասին հաշվետվություն

Հազար ՀՀ դրամ

	Մանր.	31 դեկտեմբերի 2024թ.	31 դեկտեմբերի 2023թ.
<b>Ակտիվներ</b>			
<b>Ոչ ընթացիկ ակտիվներ</b>			
Ոչ նյութական ակտիվներ		2,528	471
Հիմնական միջոցներ		3,307	3,638
<b>Ընդամենը ոչ ընթացիկ ակտիվներ</b>		<b>5,835</b>	<b>4,109</b>
<b>Ընթացիկ ակտիվներ</b>			
Դեբիտորական պարտքեր		590	661
Պաշարներ		380	380
Դրամական միջոցներ և դրանց համարժեքներ	7	81,850	64,027
<b>Ընդամենը ընթացիկ ակտիվներ</b>		<b>82,820</b>	<b>65,068</b>
<b>Ընդամենը ակտիվներ</b>		<b>88,655</b>	<b>69,177</b>
<b>Չուր ակտիվներ և պարտավորություններ</b>			
<b>Չուր ակտիվներ</b>			
Կուտակված արդյունք		(7,161)	(8,451)
<b>Ընդամենը Չուր ակտիվներ</b>		<b>(7,161)</b>	<b>(8,451)</b>
<b>Ոչ ընթացիկ պարտավորություններ</b>			
Ակտիվներին վերաբերող շնորհներ		5,834	4,109
<b>Ընդամենը ոչ ընթացիկ պարտավորություններ</b>		<b>5,834</b>	<b>4,109</b>
<b>Ընթացիկ պարտավորություններ</b>			
Կրեդիտորական պարտքեր	8	9,932	16,137
Եկամտին վերաբերող շնորհներ	9	80,050	57,382
<b>Ընդամենը ընթացիկ պարտավորություններ</b>		<b>89,982</b>	<b>73,519</b>
<b>Ընդամենը Չուր ակտիվներ և պարտավորություններ</b>		<b>88,655</b>	<b>69,177</b>

Ֆինանսական հաշվետվությունները հաստատվել են 2025թ. հունիսի 6-ին՝

Դավիթ Թադևոսյան

Գործադիր տնօրեն

Օվսաննա Դավթյան

Հաշվապահական ընկերության ներկայացուցիչ

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 19-րդ էջերում ներկայացված կից ծանոթագրությունների հետ մեկտեղ:

# Զուտ ակտիվներում փոփոխությունների մասին հաշվետվություն

Հազար ՀՀ դրամ	Կուտակված արդյունք	Ընդամենը
2023թ. հունվարի 1-ի դրությամբ մնացորդ	(6,463)	(6,463)
Տարվա արդյունք	(1,988)	(1,988)
<b>Տարվա համապարփակ ֆինանսական արդյունք</b>	<b>(1,988)</b>	<b>(1,988)</b>
<b>2023թ. դեկտեմբերի 31-ի դրությամբ</b>	<b>(8,451)</b>	<b>(8,451)</b>
Տարվա արդյունք	1,290	1,290
<b>Տարվա համապարփակ ֆինանսական արդյունք</b>	<b>1,290</b>	<b>1,290</b>
<b>2024թ. դեկտեմբերի 31-ի դրությամբ</b>	<b>(7,161)</b>	<b>(7,161)</b>

Զուտ ակտիվներում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 19-րդ էջերում ներկայացված կից ծանոթագրությունների հետ մեկտեղ:

# Դրամական միջոցների հոսքերի մասին հաշվետվություն

Հազար ՀՀ դրամ

	2024թ.	2023թ.
<b>Գործառնական գործունեությունից դրամական միջոցների հոսքեր</b>		
Նվիրատվություններից մուտքեր	198,475	356,670
Մատակարարներին կատարված վճարումներից ելքեր	(50,627)	(200,813)
Աշխատակիցներին կատարված վճարումներից ելքեր	(94,992)	(122,057)
Պետական բյուջե կատարված վճարումներից ելքեր	(32,362)	(42,756)
Տրամադրված նվիրատվություններից ելքեր	-	(3,549)
Այլ դրամական վճարումներ	(1,292)	(2,931)
<b>Գործառնական գործունեությունից ստացված (գործունեության համար օգտագործված) զուտ դրամական միջոցներ</b>	<b>19,202</b>	<b>(15,436)</b>
<b>Ներդրումային գործունեությունից դրամական միջոցների հոսքեր</b>		
Հիմնական միջոցների ձեռքբերումից ելքեր	(2,680)	(2,357)
Հիմնական միջոցների օտարումից մուտքեր	10	-
<b>Ներդրումային գործունեության համար օգտագործված զուտ դրամական միջոցներ</b>	<b>(2,670)</b>	<b>(2,357)</b>
Դրամական միջոցների և դրանց համարժեքների զուտ աճ (նվազում)	16,532	(17,793)
Արտարժույթի փոխարժեքի ազդեցությունը դրամական միջոցների վրա	1,291	(1,254)
Դրամական միջոցներ և դրանց համարժեքներ տարվա սկզբում	64,027	83,074
<b>Դրամական միջոցներ և դրանց համարժեքներ տարվա վերջում</b>	<b>81,850</b>	<b>64,027</b>

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 19-րդ էջերում ներկայացված կից ծանոթագրությունների հետ մեկտեղ:

# Ֆինանսական հաշվետվություններին կից ծանոթագրություններ

«Ապագա Հայկական» զարգացման հիմնադրամ

2024թ. դեկտեմբերի 31-ին ավարտված տարվա համար (արտահայտված  
հազար հայկական (ՀՀ) դրամով)

## 1 Գործառնությունների բնույթը

«Ապագա Հայկականը» զարգացման հիմնադրամի (այսուհետ՝ Հիմնադրամ) հիմնական նպատակներն են՝

- Աջակցել և առաջնորդել Հայաստանի Հանրապետության ապագան հավաքականորեն ապահովելուն ուղղված նախաձեռնություններին՝ ներառյալ, սակայն չսահմանափակվելով «Ապագա Հայկականը» նախաձեռնությանը, իր նպատակների հետ միասին:
- Կազմակերպել և առաջնորդել հայերի և ամբողջ աշխարհից Հայաստանի բարեկամների կողմից մեկնարկված «Ապագա Հայկականը» հանրային նախաձեռնությունը:
- Ընդլայնել հանրային նախաձեռնությունը՝ ներգրավելով անհատների և կազմակերպությունների Հայաստանի Հանրապետությունից, Արցախից և Սփյուռքից, ովքեր հանձնառու են ակտիվ մասնակցելու Հայաստանի և հայության ապագան ապահովող ծրագրերում:
- Նպաստել հայ ժողովրդի ազգային հոգևոր և պատմական ժառանգության և ինքնության պահպանման, ժամանակակից իրողություններում նրա վերածնման համար պայմանների ստեղծմանը:
- Նպաստել Հայաստանի և հայ ազգի կայուն զարգացման շուրջ համընդհանուր գիտակցության և փոխըմբռնման ստեղծմանը:
- Համահայկական հանրային քննարկումների ճանապարհով մշակել և հաստատել «Ապագա Հայկականի նպատակները»՝ ուղղված Հայաստանի զարգացմանը և հայության հարատևությանը:

## 2 Ընդհանուր տեղեկատվություն, ՖՀՄՄ-ներին համապատասխանության հավաստում և անընդհատության ենթադրություն

Հիմնադրամը շահույթ չհետապնդող կազմակերպություն է, ստեղծված կամավոր դրամական և բնաիրային ներդրումների հիման վրա և առանց անդամակցության: Հիմնադրամը ստեղծվել է 2022թ. փետրվարի 21-ին՝ ամերիկահայ բարերար Նուբար Աֆեյանի, Արթուր Ալավերդյանի, Ռիչարդ Ազարնիայի, Արամ, Բեկչյանի, Դավիթ Թավադյանի և Ռուբեն Վարդանյանի կողմից և կարգավորվում Հայաստանի Հանրապետության Սահմանադրությամբ, Հայաստանի Հանրապետության քաղաքացիական օրենսգրքով «Հիմնադրամների մասին» Հայաստանի Հանրապետության օրենքով և իր կանոնադրությամբ:

Հիմնադրամը կառավարվում է Հոգաբարձուների խորհրդի, Կառավարման խորհրդի և գործադիր տնօրենի կողմից:

Հոգաբարձուների խորհրդի անդամներն են՝

- Թալար Կազանջյան (նախագահ)
- Նուբար Բողոս Աֆեյան
- Արթուր Ալավերդյան
- Ռիչարդ Ազարնիա

Հիմնադրամի գրանցման հասցեն է՝ Հայաստանի Հանրապետություն, Երևան 0019, Բաղրամյան պող. 6:

Հիմնադրամի աշխատակիցների միջին թվաքանակը 2024թ. կազմել է 6 մարդ (2023թ.՝ 11 մարդ):

Սույն ֆինանսական հաշվետվությունները պատրաստվել են համաձայն Ֆինանսական հաշվետվությունների միջազգային ստանդարտների (ՖՀՄՄ), որոնք հաստատվել են Հաշվապահական հաշվառման միջազգային ստանդարտների խորհրդի (<<ՀՄՄԻ) կողմից և Մեկնաբանությունների՝ հաստատված Ֆինանսական հաշվետվությունների մեկնաբանությունների միջազգային կոմիտեի կողմից (ՖՀՄՄԿ):

Ֆինանսական հաշվետվությունները պատրաստվել են անընդհատության հիմունքներով, քանի որ ղեկավարությունը կարծում է, որ Հիմնադրամն ունի համապատասխան ռեսուրսներ տեսանելի ապագայում անընդհատ գործունեություն իրականացնելու համար: Այս գնահատումը կատարելիս ղեկավարությունը հաշվի է առել տեղեկատվության լայն շրջանակ, ներառյալ շահութաբերության կանխատեսումը, ֆինանսավորման կարիքները: Գնահատումը ներառում է նաև ողջամտորեն հնարավոր անկումային տնտեսական սցենարների և դրանց հնարավոր ազդեցությունների դիտարկումը Հիմնադրամի շահութաբերության, կապիտալի և իրացվելիության վրա:

### Գործարար միջավայր

Հայաստանի գործարար միջավայրը բախվում է մարտահրավերների՝ կապված աշխարհաքաղաքական լարվածության, մասնավորապես՝ Ադրբեջանի կողմից շարունակվող ագրեսիայի և տարածաշրջանային անկայունության հետ: Ուկրաինայի պատերազմն էլ ավելի է բարդացրել իրավիճակը՝ առաջացնելով առևտրի խափանումներ, Ռուսաստանի դեմ պատժամիջոցներ և համաշխարհային գնաճ:

Վերոնշյալ իրադարձությունները կարող են ապագայում էական ազդեցություն ունենալ Հիմնադրամի հետագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին:

Տվյալ ֆինանսական հաշվետվություններն արտացոլում են Հիմնադրամի գործունեության վրա՝ Հայաստանի գործարար միջավայրի ազդեցության ղեկավարության գնահատականը: Ղեկավարության գնահատմամբ վերոնշյալ իրադարձությունները նշանակալի ազդեցություն չեն ունենա Հիմնադրամի գործունեության և ֆինանսական հաշվետվությունների վրա, քանի որ Հիմնադրամը շահույթ չհետապնդող ընկերություն է, որը ֆինանսավորվում է անկախ դոնորների կողմից՝ իրականացնելու բարեգործական ծրագրեր՝ ուղղված Հայաստանի Հանրապետության ապագան հավաքականորեն ապահովելուն ուղղված նախաձեռնություններին, և չկան այնպիսի գործոններ, որոնք կասկածի տակ կդնեն այդ գործողությունների ու նախաձեռնությունների շարունակական լինելը: Ապագա տնտեսական և քաղաքական իրավիճակը և վերջիններիս ազդեցությունը Հիմնադրամի գործունեության վրա կարող են տարբերվել Հիմնադրամի ղեկավարության ներկա սպասումներից:

## 3 Նոր և վերանայված ստանդարտներ կամ մեկնաբանություններ

### 3.1 2024թ. հունվարի 1-ի դրությամբ ընդունված նոր ստանդարտներ

Ընթացիկ տարում Հիմնադրամն ընդունել է իր գործունեության համար կիրառելի և 2024թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (<<ՄՍԻ) և ՀՀՄՍԻ-ի Մեկնաբանման կոմիտեի (ՄԿ) կողմից:

### 3.2 Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Հիմնադրամի կողմից

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (<<ՄՍԻ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և կներդրվեն Հիմնադրամի հաշվապահական հաշվառման քաղաքականությունում՝ սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխություններն էական ազդեցություն չեն ունենա Հիմնադրամի ֆինանսական հաշվետվությունների վրա և ներկայացված են ստորև.

- «Փոխանակելիության բացակայություն» (<<ՄՍ 21 փոփոխություն)
- ՖՀՄՍ 18 «Ֆինանսական հաշվետվությունների ներկայացում և բացահայտում»

## 4 Հաշվապահական հաշվառման էական քաղաքականություն

Ինչպես նկարագրված է Ծանոթագրություն 3-ում, Հիմնադրամը վերանայել է հաշվապահական հաշվառման քաղաքականությունների իր բացահայտումը՝ համաձայն Հաշվապահական հաշվառման քաղաքականությունների բացահայտում – Փոփոխություններ ՀՀՄՍ 1 և ՖՀՄՍ Գործնական ցուցումներ 2 ստանդարտների փոփոխությունների: Բացահայտումները հաշվապահական հաշվառման քաղաքականության վերաբերյալ ավելի պարզեցվել են և հստակեցվել՝ բացառելով ոչ էական հարցերի վերաբերյալ հաշվապահական հաշվառման քաղաքականությունները, ինչպես նաև ընդհանուր բնույթի տեղեկատվությունը, որը միայն կրկնօրինակում է ՖՀՄՍ-ների պահանջները:

### 4.1 Պատրաստման հիմքերը

Ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով:

### 4.2 Կլիմային առնչվող հարցեր

Հիմնադրամը և նրա հաճախորդները ապագայում կարող են բախվել կլիմայի հետ կապված զգալի ռիսկերի: Այս ռիսկերը ներառում են ֆինանսական կորստի սպառնալիքը և անբարենպաստ ոչ ֆինանսական ազդեցությունները, որոնք ներառում են կլիմայի փոփոխության քաղաքական, տնտեսական և բնապահպանական արձագանքները: Կլիմայական ռիսկերի հիմնական աղբյուրները սահմանվել են որպես ֆիզիկական և անցումային ռիսկեր:

### 4.3 Արտարժույթ

#### Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (<< դրամ), որն էլ հանդիսանում է Հիմնադրամի գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Հիմնադրամի գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով (եթե այլ բան նշված չէ), քանի որ, ղեկավարության համոզմամբ, այս արժույթն առավել կիրառելի է Հիմնադրամի ֆինանսական հաշվետվություններն օգտագործողների համար: << դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

#### Արտարժույթով գործարքներ

Ֆինանսական հաշվետվություններ պատրաստելիս Հիմնադրամի համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության կենտրոնական բանկի (<< ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ << ԿԲ-ի կողմից հրապարակված փոխարժեքը:

	31 դեկտեմբերի 2024թ.	31 դեկտեմբերի 2023թ.
<< դրամ/1 ԱՄՆ դոլար	396.56	404.79
<< դրամ/1 Եվրո	413.89	447.90

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի արդյունքում:

#### 4.4 Ոչ նյութական ակտիվներ

Ոչ նյութական ակտիվները, որոնք ձեռք են բերվել Հիմնադրամի կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է ժամանակաշրջանի արդյունքում կամ ավելացվում է այլ ակտիվի սկզբնական արժեքին՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 1-5 տարի: Ոչ նյութական ակտիվի օգտակար ծառայության ժամկետը հաշվարկվում է այն պահից, երբ ակտիվը պատրաստ է դառնում օգտագործման: Ամորտիզացիան ավարտվում է ավելի շուտ, եթե ոչ նյութական ակտիվը դասակարգվում է վաճառքի համար պահվող կամ եթե ակտիվը ապաճանաչվում է:

#### 4.5 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման, և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է գործունեության մասին հաշվետվության մեջ:

Հիմնական միջոցի՝ որպես առանձին ակտիվ հաշվառվող միավորի բաղկացուցչի փոխարինման ծախսումները կապիտալացվում են դուրս գրված բաղկացուցչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են գործունեության մասին հաշվետվության մեջ՝ կատարվելու ժամանակաշրջանում:

Մաշվածությունը ճանաչվում է գործունեության մասին հաշվետվության մեջ՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետը 3-8 տարի է:

#### 4.6 Ֆինանսական գործիքներ

Հիմնադրամը գործարքներ է կնքում միայն հիմնական ֆինանսական գործիքներով, որոնք հանգեցնում են ֆինանսական ակտիվների և պարտավորությունների ճանաչմանը, ինչպիսիք են՝ առևտրային և այլ դեբիտորական և կրեդիտորական պարտքերը, բանկերում պահվող դրամական միջոցները:

Ֆինանսական ակտիվները, որոնք չափվում են սկզբնական արժեքով և ամորտիզացված արժեքով, գնահատվում են յուրաքանչյուր հաշվետու ժամանակաշրջանի վերջում արժեզրկման օբյեկտիվ ապացույցների դեպքում: Եթե հայտնաբերվում են արժեզրկման օբյեկտիվ ապացույցներ, արժեզրկումից կորուստը ճանաչվում է Գործունեության մասին հաշվետվությունում:

#### Դեբիտորական պարտքեր

Հիմնադրամը հաշվառում է դեբիտորական պարտքերը՝ օգտվելով պարզեցված մոտեցումից և կորստի գծով պահուստը ձևակերպում է որպես գործողության ամբողջ ժամանակահատվածի ընթացքում ակնկալվող պարտքային կորուստներ:

#### Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

#### 4.7 Շնորհներ և նվիրատվություններ

Շնորհը չի ճանաչվում, քանի դեռ չկա հիմնավորված երաշխիք, որ Հիմնադրամը կատարելու է դրան կից բոլոր պայմանները, և որ շնորհը ստացվելու է:

Նպատակային շնորհները համամասնորեն եկամուտ են ճանաչվում այն ժամանակաշրջանում, որի ընթացքում դրանք փոխհատուցում են համապատասխան ծախսումները, որոնց համար դրանք ստացվել են: Շնորհը, որը հատկացվում է Հիմնադրամին՝ ի հատուցում արդեն կրած ծախսերի կամ վնասների, կամ որպես շտապ ֆինանսական օգնություն՝ առանց հետագա համապատասխան ծախսումներ կրելու, ճանաչվում է որպես եկամուտ այն հաշվետու ժամանակաշրջանում, երբ դառնում է ստացման ենթակա:

Ինչպես սահմանված է Հիմնադրամի կառավարման փաստաթղթերում, անսահմանափակ նվիրատվությունները ընդհանուր նպատակների համար են: Ուստի, անսահմանափակ ֆոնդ դասակարգված նվիրատվությունները ճանաչվում են եկամուտ, երբ դառնում է ստացման ենթակա: Անսահմանափակ նվիրատվությունները ճանաչվում են սխտեմատիկ հիմունքով եկամուտ այն ժամանակաշրջանում, որի ընթացքում դրանք փոխհատուցում են համապատասխան ծախսումները, որոնց համար դրանք ստացվել են:

#### 4.8 Զուտ ակտիվներ

Հիմնադրամի զուտ ակտիվները ենթակա չեն բաժանման վերջինիս հիմնադիրների միջև՝ ոչ սովորական գործունեության, ոչ էլ դրա լուծարման դեպքում:

Կուտակված արդյունքը ներառում է ընթացիկ և նախորդ ժամանակաշրջանների ամբողջ արդյունքը:

#### 4.9 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները,

Երբ աշխատակիցները հաշվետու ժամանակաշրջանի ընթացքում Հիմնադրամին մատուցում են ծառայություններ, Հիմնադրամն աշխատակիցների կարճաժամկետ հատուցումների չզեղչված գումարը, որն ակնկալվում է վճարել այդ ծառայությունների դիմաց, ճանաչում է՝

- (ա) որպես պարտավորություն (հաշվեգրված ծախս)՝ արդեն վճարված ցանկացած գումար հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Հիմնադրամը պետք է ճանաչի այդ տարբերությունը որպես ակտիվ (կանխավճարված ծախս)՝ այն չափով, որով կանխավճարը կհանգեցնի ապագա վճարումների կրճատման կամ դրամական միջոցների վերադարձի,
- (բ) որպես ծախս, եթե գումարը չի ներառվել այլ ակտիվի արժեքի մեջ:

#### Վճարովի բացակայություններ

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.

- (ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,
- (բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

## Պարզևավճարներ

Պարզևավճարների գծով ակնկալվող ծախսումները ճանաչվում են միայն այն ժամանակ, երբ Հիմնադրամն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Հիմնադրամը վճարում է կատարելու ոչ մի իրատեսական այլընտրանք չունի:

## 5 Նվիրատվություններից եկամուտ

2024թ.-ին նվիրատվությունների ամբողջ գումարը ստացվել է Հիմնադրամի կապակցված կողմերից: Բոլոր նվիրատվություններն անսահմանափակ են և նախատեսված են Հիմնադրամի ընդհանուր կանոնադրական նպատակների իրականացման համար և եկամտագրվել են փաստացի կատարված ծախսերին զուգահեռ, «առաջին մուտք՝ առաջին ելք» սկզբունքով:

	2024թ.	2023թ.
Եկամտին վերաբերող շնորհների գծով (Ծանոթագրություն 9)	173,127	380,582
Ակտիվներին վերաբերող շնորհների գծով	2,488	1,600
	<b>175,615</b>	<b>382,182</b>

## 6 Ֆինանսական ակտիվներ և պարտավորություններ

### 6.1 Ֆինանսական գործիքների կատեգորիաները

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են Ծանոթագրություն 4.6-ում: Ֆինանսական ակտիվների և պարտավորությունների հաշվեկշռային արժեքներն ըստ կատեգորիաների ներկայացված են ստորև:

### Ֆինանսական ակտիվներ

	31 դեկտեմբերի 2024թ.	31 դեկտեմբերի 2023թ.
<b>Ամորտիզացված արժեքով չափվող ֆինանսական ակտիվներ</b>		
Դրամական միջոցներ և դրանց համարժեքներ	81,850	64,027
<b>Ընդամենը ֆինանսական ակտիվներ</b>	<b>81,850</b>	<b>64,027</b>

### Ֆինանսական պարտավորություններ

	31 դեկտեմբերի 2024թ.	31 դեկտեմբերի 2023թ.
<b>Ամորտիզացված արժեքով պահվող ֆինանսական պարտավորություններ</b>		
Կրեդիտորական պարտքեր	2,316	2,602
<b>Ընդամենը ֆինանսական պարտավորություններ</b>	<b>2,316</b>	<b>2,602</b>

## 7 Դրամական միջոցներ և դրանց համարժեքներ

Դրամական միջոցների հոսքերի մասին հաշվետվության նպատակով՝ դրամական միջոցները և դրանց համարժեքները ներառում են դրամական միջոցները դրամարկղում ու բանկերում և մինչև 3 ամիս

մարման ժամկետ ունեցող կարճաժամկետ ներդրումները՝ նվազեցված բանկային օվերդրաֆտի մնացորդով: Ֆինանսական տարվա վերջի դրությամբ դրամական միջոցների հոսքերի մասին հաշվետվությունում ներկայացված դրամարկղում և բանկերում մնացորդները կարող են համադրվել ֆինանսական վիճակի մասին հաշվետվության հոդվածների հետ հետևյալ կերպ.

	31 դեկտեմբերի 2024թ.	31 դեկտեմբերի 2023թ.
Բանկային հաշիվներ, այդ թվում՝		
ՀՀ Դրամով մնացորդներ	255	376
ԱՄՆ դոլարով մնացորդներ	81,595	63,651
<b>Ընդամենը դրամական միջոցներ և դրանց համարժեքներ</b>	<b>81,850</b>	<b>64,027</b>

## 8 Կրեդիտորական պարտքեր

	31 դեկտեմբերի 2024թ.	31 դեկտեմբերի 2023թ.
Ստացված ծառայությունների գծով կրեդիտորական պարտքեր	2,097	2,602
Վճարվելիք հարկեր և պարտավորություններ	1,768	2,573
Աշխատակիցների գծով կրեդիտորական պարտքեր	6,067	10,962
<b>Ընդամենը կրեդիտորական պարտքեր</b>	<b>9,932</b>	<b>16,137</b>

## 9 Եկամտին վերաբերող շնորհներ

	2024թ.	2023թ.
Մնացորդ տարվա սկզբում	57,382	83,651
Ստացված նվիրատվություններ	198,475	356,670
Փոխանցում ակտիվներին վեաբերող շնորհներին	(2,680)	(2,357)
Եկամտի ճանաչում	(173,127)	(380,582)
<b>Մնացորդ տարվա վերջում</b>	<b>80,050</b>	<b>57,382</b>

Նվիրատվություններն ընդգրկում են՝

	2024թ.	2023թ.
Ստացված նվիրատվություններ, ներառյալ՝		
Հայկական ընկերություններ	97,169	39,600
Օտարերկրյա ընկերություններ	81,302	158,169
Անհատներ	20,004	158,901

Ընթացիկ տարում Հիմնադրամի ակտիվությունը զգալի չափով նվազել է 2023թ.-ի համեմատ, ինչը պայմանավորված է նրանով, որ 2023թ-ին Հիմնադրամը կազմակերպել էր աշխարհի տարբեր երկրներից ժամանակված 200 մասնակիցներով համահայկական համաժողով, մինչդեռ 2024թ.-ի առաջին կեսը նվիրված է եղել Armagora.am համահայկական քննարկումների հարթակի ձևավորման, համապատասխան կայքի պատրաստման և կայքը գործարկելու կազմակերպչական աշխատանքներին: Կայքը գործարկվել է 2024թ-ի կեսերին որի աշխատանքներն ամբողջությամբ իրականացվել են առցանց: Ծրագիրը չի ենթադրել առկա ձևաչափով միջոցառումներ, քննարկումներ կամ այլ հանդիպումներ:

## 10 Կապակցված կողմեր

Հիմնադրամի կապակցված կողմերը ներառում են հոգաբարձուների խորհրդի անդամներին, ընդհանուր վերահսկողության տակ գտնվող ընկերությունները և ղեկավար անձնակազմը:

Հաշվետու տարվա ընթացքում Հիմնադրամը կապակցված կողմերի հետ կատարել է հետևյալ գործարքները և հաշվետու ամսաթվի դրությամբ ունի հետևյալ մնացորդները.

### Գործարքներ

	2024թ.	2023թ.
<b>Ընդհանուր վերահսկողության տակ գտնվող ընկերություններ</b>		
Ստացված նվիրատվություններ	198,475	356,670
Ստացված ծառայություններ	24,426	29,075

### 10.1 Գործարքներ ղեկավարության և նրանց անմիջական ազգականների հետ

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Փոխհատուցումներ աշխատակիցներին» հոդվածում.

	2024թ.	2023թ.
Աշխատավարձ և պարգևատրումներ	58,340	59,218

### Մնացորդներ

	31 դեկտեմբերի 2024թ.	31 դեկտեմբերի 2023թ.
Չօգտագործված արձակուրդային օրերի գծով պահուստ	795	6,099

## 11 Պայմանականություններ

### 11.1 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

### 11.2 Շրջակա միջավայրի հետ կապված խնդիրներ

Ղեկավարությունը համոզված է, որ Հիմնադրամը բավարարում է շրջակա միջավայրի հետ կապված Կառավարության պահանջները և վստահ է, որ Հիմնադրամը շրջակա միջավայրի հետ կապված ընթացիկ էական պարտավորություններ չունի:

Սույն հաշվետվությունների հաստատման ամսաթվի դրությամբ Հայաստանի Հանրապետությունում չկա հաստատված գործող օրենսդրություն կլիմային առնչվող հարցերի կարգավորման և կայունության ստանդարտների վերաբերյալ: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանություններն ապագայում կարող են էական պարտավորություններ առաջացնել: Հիմնադրամը

գիտակցում է հետագա ջանքերի անհրաժեշտությունը՝ կլիմայական գործոնները Հիմնադրամի ռիսկերի կառավարման գնահատականներում և արձանագրություններում ամբողջությամբ ինտեգրելու գործում:

## 12 Ֆինանսական գործիքների ռիսկ

### Ռիսկի կառավարման քաղաքականությունները և նպատակները

Հիմնադրամի հիմնական ֆինանսական գործիքներն են մնացորդները դրամարկղում և բանկերում: Այս ֆինանսական գործիքի հիմնական նպատակն է դրանք օգտագործել նվիրատվությունների համար: Հիմնադրամը ունի նաև ֆինանսական պարտավորություններ, ինչպիսիք են կրեդիտորական պարտքերը, որոնք ուղղակիորեն առաջանում են վերջինիս գործունեությունից:

Ֆինանսական գործիքների հետ կապված՝ Հիմնադրամը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը: Հոգաբարձուների խորհուրդը վերահսկում է այս ռիսկերից յուրաքանչյուրը, որոնք նկարագրված են ստորև:

### 12.1 Շուկայական ռիսկի վերլուծություն

Ֆինանսական գործիքների օգտագործման ընթացքում Հիմնադրամը ենթարկվում է շուկայական ռիսկի, հատկապես՝ արտարժույթային ռիսկի:

#### Արտարժույթի ռիսկ

Հիմնադրամը ենթարկվում է նաև արտարժույթային ռիսկի, որն առաջանում է Հիմնադրամի արտերկրից ստացվող նվիրատվություններից և արետերկրից ձեռքբերված ծառայություններից, որոնք, ի սկզբանե, արտահայտված են ԱՄՆ դոլարով:

Ստորև բերված աղյուսակում ներկայացված է Հիմնադրամի զգայունությունը՝ ԱՄՆ դոլարի նկատմամբ դրամի 10% (2023թ.՝ 10%) աճին/նվազմանը: 10%-ը (2023թ.՝ 10%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2023թ.՝ 10%):

Դրամի արժևորումն ԱՄՆ դոլարի նկատմամբ 10%-ով (2023թ.՝ 10%) կնվազեցնի տարվա արդյունքը 8,151 հազար << դրամով (2023թ.՝ 6,365 հազար << դրամով):

### 12.2 Պարտքային ռիսկի վերլուծություն

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Հիմնադրամը կարող է ֆինանսական կորուստներ կրել: Հիմնադրամի պարտքային ռիսկն առաջանում է ֆինանսական ակտիվներից՝ ներառյալ բանկերում պահվող դրամական միջոցները և դրանց համարժեքները:

Պարտքային ռիսկը կառավարվում է խմբային հիմունքով՝ ելնելով Հիմնադրամի պարտքային ռիսկի կառավարման քաղաքականությունից և ընթացակարգերից:

Բանկերում պահվող դրամական միջոցների մնացորդների մասով պարտքային ռիսկը կառավարվում է հաշիվները տարբեր և բարձր վարկանիշ ունեցող ֆինանսական հաստատություններում պահելու միջոցով:

### 12.3 Իրացվելիության ռիսկի վերլուծություն

Իրացվելիության ռիսկն առաջանում է այն դեպքում, երբ Հիմնադրամն ի վիճակի չի լինում մարել իր պարտավորվածությունները:

Հիմնադրամը վարում է իրացվելիության կառավարման քաղաքականություն՝ դրամարկղում և բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով: Հաշվետու ամսաթվի դրությամբ բոլոր պարտավորությունները կարճաժամկետ են: Հիմնադրամի հետ կապակցված կողմերը հանձնառություն են վերցրել ֆինանսավորելու Հիմնադրամի ընթացիկ ծրագրերն ու նախաձեռնությունները: